

ქ. თბილისი

15 ივნისი 2015წ.

ერთი მხრივ, ა(ა)იპ – ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტი, წარმოდგენილი თავმჯდომარის აღექსი ახვლედიანის სახით (შემდგომში წოდებული „შემსყიდველად“)
მისამართი: საქართველო, თბილისი, ძველი თბილისი რაიონი, მაჩაბლის ქ. №11;
საიდენტიფიკაციო კოდი: 404404211;

მეორე მხრივ, შპს „ვინკ“ წარმოდგენილი დირექტორის ზაზა ჩიმავაძის სახით, (შემდგომში წოდებული „მიმწოდებლად“)

მისამართი: საქართველო, თბილისი, ვაკე-საბურთალოს რაიონი, ლ.გოთუას ქ., N 22, ბ. 59

საიდენტიფიკაციო კოდი: 404997456

საბანკო რეკვიზიტები: სს „საქართველოს ბანკი“, ბანკის კოდი: BAGAGE22, ა/ა GE78BG0000000598179200;

ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტით, „ა(ა)იპ ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტის მიერ სახელმწიფო შესყიდვის გამარტივებული შესყიდვის საშუალებით განხორციელების შესახებ“ საქართველოს მთავრობის 2014 წლის 29 დეკემბრის N2534 განკარგულების საფუძველზე, ვადასტურებთ, რომ გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

მუხლი 1. ტერმინთა განმარტება

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) შემსყიდველ ორგანიზაციასა და მოლაპარაკების შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ.

1.1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის.

1.1.3. „შემსყიდველი ორგანიზაცია“ (შემდგომში – „შემსყიდველი“) – ორგანიზაცია (დაწესებულება), რომელიც ახორციელებს შესყიდვას.

1.1.4. „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე აწვდის საქონელს/მომსახურებას მოცემული ხელშეკრულების ფარგლებში.

1.1.5. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.

1.1.6. „დღე“, „კვირა“, „თვე“ ნიშნავს კალენდარულ დღეს, კვირას, თვეს;

1.1.7. ფესტივალი - ქ. თბილისში, 2015 წლის 26 ივნისიდან 1 აგვისტოს ჩათვლით დაგეგმილი ევროპის ახალგაზრდული ოლიმპიური ფესტივალი თბილისი 2015.

მუხლი 2. ხელშეკრულების საგანი

2.1. ხელშეკრულების საგანს წარმოადგენს მიმწოდებლის მიერ ახალ თბილისში (ქ. თბილისი, დიღმის სასწავლო საცდელი მეურნეობის ტერიტორია) მდებარე მძლეოსნობის არენასთან მდებარე სასტუროში ვერტიკალური ჟალუზების მიწოდება და მონტაჟი (სულ 39.60კვ.მ) შემსყიდველის მითითებების (დიზაინი, ფერი, ზომა) შესაბამისად (CPV: 42512520 - პორიზონტალური ჟალუზები)

მუხლი 3. მხარეთა უფლებები

3.1. „მიმწოდებელს“ უფლება აქვს:

3.1.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად;

3.1.2. მოსთხოვოს შემსყიდველს ხელშეკრულებით გათვალისწინებული ვალდებულებების შესრულება.

3.2. „შემსყიდველს“ უფლება აქვს:



- 3.2.1. მოითხოვოს შესყიდვის ობიექტის მიწოდება და წინამდებარე ხელშეკრულებით განსაზღვრული ვალდებულებების შესრულება სრულად და ჯეროვნად, დათემულ დროსა და ადგილას, ხელშეკრულებით გათვალისწინებული ხარისხის, რაოდენობის/მოცულობის, მახასიათებლებისა და ვადის შესაბამისად.
- 3.2.2. მოსთხოვოს მიწოდებელს ხელშეკრულებით ნაკისრი ვალდებულებების შეუსრულებლობის ან/და არაჯეროვანი შესრულებით გამოწვეული ზიანის ანაზღაურება;
- 3.2.3. წერილობითი (მათ შორის ელ. ფოსტის მეშვეობით) ან/და ზეპირი ფორმით მისცეს მითითებები მიმწოდებელს ვალდებულებათა შესრულების თაობაზე. ამ სახით განხორციელებული მითითებები სავალდებულოა შესასრულებლად და წარმოადგენს წინამდებარე ხელშეკრულების ნაწილს, თუ მითითება განხორციელდა ხელშეკრულებით განსაზღვრული კონტროლის განხორციელებაზე უფლებამოსილი პირების მიერ.
- 3.2.4. აწარმოოს ხელშეკრულების პირობების შესრულების კონტროლი.
- 3.3. „მიმწოდებელი“ ვალდებულია:
- 3.3.1 დადგენილ ვადებში უზრუნველყოს შესყიდვის ობიექტის მიწოდება ხელშეკრულებით დადგენილი პირობების შესაბამისად.
- 3.3.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 3.3.3. დაუყოვნებლივ აცნობოს შემსყიდველს წინამდებარე ხელშეკრულებით ნაკისრი ვალდებულებების შესრულების შეუძლებლობის ან შესრულების სავარაუდო დაგვიანების თაობაზე;
- 3.3.4. ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- 3.3.5. საკუთარი რესურსითა და ხარჯით აღმოფხვრას ხარვეზი, რომელიც გამოვლინდება საქონლის მიწოდებისა და მომსახურების გაწევისას. ხარვეზის აღმოფხრისათვის შემსყიდველი მიმწოდებელს განუსაზღვრავს გონივრულ ვადას. აღნიშნული ვადის გასვლის შემდგომ შემსყიდველი უფლებამოსილია თავად გამოასწოროს ხარვეზი (ნაკლი). ხარვეზის აღმოფხვრისას შემსყიდველის მიერ გაწეული ხარჯი გამოიქვითება მიმწოდებლისათვის ასანაზღაურებელი თანხიდან. იმ შემთხვევაში, თუ ხარვეზის (ნაკლის) აღმოფხვრა შეუძლებელია ან დაკავშირებულია დიდ ძალისხმევასთან და შეუსაბამოდ ხანგრძლივ ვადებთან, შემსყიდველი უფლებამოსილია აღნიშნული ხარვეზის (ნაკლის) მქონე მომსახურების ღირებულება გამოქვითოს მიმწოდებლისათვის ასანაზღაურებელი თანხიდან და მოითხოვოს ხელშეკრულების შეწყვეტა;
- 3.3.6. კანონმდებლობით გათვალისწინებული სავალდებული შემთხვევების გარდა, არ გადასცეს მესამე პირს ან სხვა სახით არ დაუშვას წინამდებარე სახელშეკრულებო ურთიერთობის საფუძველზე შემსყიდველისა და აღნიშნული ხელშეკრულების შესახებ ან/და მისგან გამომდინარედ მისთვის გადაცემული ნებისმიერი ინფორმაციის გავრცელება, მიუხედავად ინფორმაციის წერილობითი თუ ზეპირი ფორმისა. აღნიშნული ინფორმაციის კონფიდენციალურობის დაცვის ვალდებულება ვრცელდება ასევე ნებისმიერ პირზე, რომელიც მიმწოდებლის მხრიდან მონაწილეობას იღებს წინამდებარე ხელშეკრულებით ნაკისრი ვალდებულებების შესრულებაში. ინფორმაციის კონფიდენციალურობის დაცვის ვალდებულება ძალაში შედის ხელშეკრულებაზე ხელის მოწერისთანავე და მოქმედებს იქამდე, ვიდრე შემსყიდველი მისი გაუქმების თაობაზე არ გამოხატავს წერილობით თანხმობას. მიმწოდებლის ან/და ამ პუნქტით განსაზღვრული ნებისმიერი პირის მიერ ამ ვალდებულების დარღვევის შემთხვევაში მიმწოდებელი პასუხს აგებს ამ ხელშეკრულებითა და საქართველოს კანონმდებლობით დადგენილი წესით.
- 3.3.7. შემსყიდველის მოთხოვნისთანავე, ნებისმიერ დროს მიაწოდოს ინფორმაცია ვალდებულებათა შესრულების მიმდინარეობის შესახებ;
- 3.4. მიმწოდებელი აცხადებს, რომ გააჩნია შესაბამისი კვალიფიკაცია და გამოცდილება ხელშეკრულებით განსაზღვრული შესყიდვის ობიექტის მიწოდების სფეროში.
- 3.5 მიმწოდებელი პასუხისმგებელია მიწოდებული შესყიდვის ობიექტის და გაწეული მომსახურების ხარისხზე, წინამდებარე ხელშეკრულების გაფორმებიდან 6 (ექსი) თვის განმავლობაში, კერძოდ ამ ვადაში ხელშეკრულების მე-2 მუხლით განსაზღვრული შესყიდვის ობიექტის ნებისმიერი მიზეზით (მათ შორის ბუნებრივი პირობები: ქარი, წვიმა, თოვლი და სხვა) დაზიანების/განადგურების, შემთხვევაში, მიმწოდებელი ვალდებულია საკუთარი ხარჯით უზრუნველყოს საქონლის აღდგენა/მიწოდება გონივრულ ვადაში, მაგრამ არა უგვიანეს შემსყიდველის უფლებამოსილი წარმომადგენლის მიერ წერილობით (მათ შორის ელ. ფოსტის) ან ზეპირი ფორმით შეტყობინების მიღებიდან 24 საათის განმავლობაში.

3.6. „შემსყიდველი“ ვალდებულია:

- 3.6.1 უზრუნველყოს „მიმწოდებლისათვის“ ხელშეკრულების ღირებულების გადახდა წინამდებარე ხელშეკრულების პირობების შესაბამისად.

3.6.2 დროულად განიხილოს „მიწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

მუხლი 4. ხელშეკრულების ღირებულება

- 4.1. ხელშეკრულების ჯამური ღირებულება შეადგენს 1782 (ათასშვიდასოთხმოცდაორი) ლარს, კერძოდ:
- 4.1.1. ხელშეკრულების 2.1. პუნქტით განსაზღვრული შესყიდვის ობიექტის 1 (ერთი) მ²-ის მიწოდებისა და მონტაჟის ღირებულება შეადგენს 45 (ორმოცდახუთი) ლარს.
- 4.2. ხელშეკრულების ღირებულება მოიცავს მიმწოდებლის ყველა ხარჯს (მათ შორის ტრანსპორტირების, მასალების, მონტაჟისა და სხვა ხარჯებს) და კანონმდებლობით გათვალისწინებულ ყველა გადასახადს, მათ შორის დღე-ს.

მუხლი 5. ანგარიშსწორების წესი

- 5.1. შემსყიდველი იღებს ვალდებულებას, აუნაზღაუროს მიწოდებელს ხელშეკრულებით განსაზღვრული შესყიდვის ობიექტის ღირებულება მიღება-ჩაბარების აქტის გაფორმებიდან და წინამდებარე ხელშეკრულების 6.5. პუნქტში მითითებული დოკუმენტაციის წარმოდგენიდან 10 (ათი) სამუშაო დღის განმავლობაში.
- 5.2 ანგარიშსწორების ვალუტა – ლარი;
- 5.3. გადახდის ფორმა – უნაღდო;
- 5.4. შესყიდვის ობიექტის გადაცემის თარიღად ითვლება მიღება-ჩაბარების აქტზე ხელმოწერის თარიღი.

მუხლი 6. შესყიდვის ობიექტის მიწოდების ადგილი, ვადები და მიღება-ჩაბარების წესი

- 6.1. შესყიდვის ობიექტის მიწოდებას და მონტაჟს უზრუნველყოფს მიმწოდებელი მხარე საკუთარი ხარჯებით.
- 6.2. ხელშეკრულების 2.1. პუნქტით განსაზღვრული შესყიდვის ობიექტის მიწოდების, მონტაჟის ადგილია: ქ. თბილისი, დიღმის სასწავლო-საცდელი მუზრნეობის ტერიტორია, მძლეოსნობის არენასთან მდებარე სასტუმრო.
- 6.4. შესყიდვის ობიექტის მიწოდება და მონტაჟი უნდა განხორციელდეს არაუგვიანეს 2015 წლის 21 ივნისი.
- 6.5. შესყიდვის ობიექტის მიწოდებასთან ერთად მიმწოდებელი ვალდებულია უზრუნველყოს ყველა შესაბამისი დოკუმენტაციის წარდგენა შემსყიდველისათვის (საგადასახადო ანგარიშ-ფაქტურა, ინვოისი ან სასაქონლო ზედნადები და მიღება-ჩაბარების აქტი).
- 6.6. შესყიდვის ობიექტი ჩაითვლება მიღებულად მას შემდეგ, რაც მხარეებს შორის გაფორმდება მიღება-ჩაბარების აქტი. მიღება-ჩაბარების აქტი ფორმდება შესაბამისი ფინანსური დოკუმენტაციის, (საგადასახადო ანგარიშ-ფაქტურა, ინვოისი ან სასაქონლო ზედნადები, ასეთის არსებობის შემთხვევაში) წარდგენის შემდეგ.

მუხლი 7. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს 2016 წლის 20 თებერვლის ჩათვლით.

მუხლი 8. ხელშეკრულების პირობების შესრულების კონტროლი

- 8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
- 8.2. ხელშეკრულების პირობების შესრულების კონტროლს განახორციელებს შესმყიდველის შესაბამისი დეპარტამენტის წარმომადგენელი.

მუხლი 9. ხელშეკრულების შეწყვეტა

- 9.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.
- 9.2. შემსყიდველი უფლებამოსილია შეწყვიტოს ხელშეკრულება მიმწოდებლისათვის, ვალდებულების შეუსრულებლობის შესახებ, წერილობითი შეტყობინების შემდეგ თუ:
 - ა) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - ბ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) საქართველოს კანონმდებლობით გათვალისწინებულ სხვა შემთხვევებში.
- 9.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

მუხლი 10. მხარეთა პასუხისმგებლობა

- 10.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.
- 10.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს კვისრება პირგასამტეხლო ხელშეკრულების ღირებულების 1%-ის ოდენობით ყოველ ვადაგადაცილებულ დღეზე ან/და 1%-ის ოდენობით ხელშეკრულების 3.5. პუნქტით განსაზღვრული ვალდებულებების ყოველ შეუსრულებელ ვალდებულებაზე. პირგასამტეხლოს განსაზღვრისათვის მხედველობაში მიღება წინამდებარე ხელშეკრულების მე-8 მუხლით განსაზღვრული უფლებამოსილი პირის ინსპექტირების აქტი, რომელშიც აღინიშნება შეუსრულებელი ვალდებულების შინაარსი.
- 10.3. თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 10.4. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელის მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით, საქართველოს კანონმდებლობის შესაბამისად.
- 10.5. იმ შემთხვევაში, თუ მიმწოდებლისათვის ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, „შემსყიდველს“ უფლება აქვს შეწყვიტოს ხელშეკრულება, მოითხოვოს ზიანის ანაზღაურება და არ აუნაზღაუროს მიმწოდებელს შესრულებული სამუშაოსა და მიწოდებული საქონლის ღირებულება.

მუხლი 11. ფორს-მაჟორი

- 11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.
- 11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (საომარი მოქმედება, მომსახურების/საქონლის მიწოდებაზე ემბარგოს დაწესება, სახელწიფო გადატრიალება და სხვ.).
- 11.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუზარდოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 12. ხელშეკრულების პირობების გადასინჯვის წესი

- 12.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.
- 12.2 ამ ხელშეკრულების 12.1. პუნქტით განსაზღვრულ შემთხვევაში შემლება მოთხოვნილ იქნეს ხელშეკრულების მისადაგება შეცვლილი გარემოებებისადმი.
- 12.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.
- 12.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 12.1, 12.2. და 12.3. პუნქტებით განსაზღვრული შემთხვევებისა
- 12.5. წინამდებარე ხელშეკრულების 12.1, 12.2. და 12.3. პუნქტებით განსაზღვრული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 13. ხელშეკრულებაში ცვლილებებისა და დამატებების შეტანის წესი

13.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

13.2 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით, მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

მუხლი 14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

14.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 15. სადავო საკითხების გადაწყვეტა

15.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმომადილი ყველა უთანხმოება და დავა უნდა მოაგვარონ ურთიერთშეთანხმების გზით.

15.2. მხარეებს, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით, შეუძლიათ მიმართონ საქართველოს სასამართლოს.

მუხლი 16. ხელშეკრულების ენა

16.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

მუხლი 17. განსაკუთრებული პირობები

17.1. ხელშეკრულება შედგენილია 2 ეგზემპლარად და თითოეულ მათგანს აქვს თანაბარი იურიდიული ძალა.

17.2. ხელშეკრულების ერთი ეგზემპლარი ინახება „მიმწოდებელთან“, ერთი ეგზემპლარი – „შემსყიდველთან“.

17.3. ყველა დანართი, რომელიც თან ერთვის წინამდებარე ხელშეკრულებას წარმოადგენს მის განუყოფელ ნაწილს და განიხილება ხელშეკრულებასთან ერთად. იმ შემთხვევაში, თუ წარმოიშობა რაიმე სახის წინააღმდეგობა ხელშეკრულებასა და მის დანართებს შორის უსირატესობა ენიჭება ხელშეკრულებაში მოცემულ პირობებს.

ა(ა)იპ „ევროპის ახალგაზრდული ოლიმპიური
ფესტივალის თამაშების 2015-ს
საორგანიზაციო კომიტეტი

შპს „ვინკო“



აღესი ახვლედიანი
თავმჯდომარე



ზაზა ჩიმაკაძე
დირექტორი

ქ. თბილისი

20 ივნისი, 2015 წელი

ერთი მხრივ, ა(ა)იპ – ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტი, წარმოდგენილი თავმჯდომარის აღექსი ახვლედიანის სახით (შემდგომში წოდებული „შემსყიდველად“) მისამართი: საქართველო, თბილისი, ძველი თბილისი რაიონი, მაჩაბლის ქ. №11; საიდენტიფიკაციო კოდი: 404404211;

მეორე მხრივ, შპს „ვინკო“ წარმოდგენილი დირექტორის ზაზა ჩიმაკაძის სახით, (შემდგომში წოდებული „მიმწოდებლად“)

მისამართი: საქართველო, თბილისი, ვაკე-საბურთალოს რაიონი, ლ.გოთუას ქ., N 22, ბ. 59
საიდენტიფიკაციო კოდი: 404997456

საბანკო რეკვიზიტები: სს „საქართველოს ბანკი“, ბანკის კოდი: BAGAGE22, ა/ა GE78BG0000000598179200;

1. მხარებს შორის 2015 წლის 15 ივნისს დადებული სახელმწიფო შესყიდვის შესახებ N150715/23 ხელშეკრულების საფუძველზე, მიმწოდებელმა მიაწოდა, ხოლო შემსყიდველმა მიიღო შემდეგი საქონელი და თანმდევი მომსახურება:

1.1. ახალ თბილისში (ქ. თბილისი, დიღმის სასწავლო-საცდელი მეურნეობის ტერიტორია) მდებარე მძლეოსნობის არენასთან მდებარე სასტუმროში ვერტიკალური გალუზების მიწოდება და მონტაჟი (სულ 39.60კვ.მ) შემსყიდველის მითითებების (დიზაინი, ფერი, ზომა) შესაბამისად.

2. მიწოდებული საქონლისა და მონსახურების ღირებულება შეადგენს 1782 (ათასშვიდასოთხმოცდაორი) ლარს, ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“ (მათ შორის - დღგ) და ყველა ხარჯი, რომელიც დაკავშირებულია ხელშეკრულებით განსაზღვრული მომსახურების გაწევასთან.

3. წინამდებარე მიღება-ჩაბარების აქტი შედგენილია ორი თანაბარი იურიდიული ძალის მქონე ეგზემპლარად, ერთი ეგზემპლარი გადაეცემა შემსყიდველს, ხოლო ერთი - მიმწოდებელს.

ა(ა)იპ „ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტი

შპს „ვინკო“



აღექსი ახვლედიანი
თავმჯდომარე



ზაზა ჩიმაკაძე
დირექტორი